

cet ex Iosepho Gabriel Barrius: addens ab Antiocho apud Halicarnassæum *Neptuniam* sive *Pofidoniam* nuncupatam. Incolæ *Rhegini*. Conditum Strabo Solinusq; perhibent ab Chalcidensibus, & sic dictum scribit *Ἰσχυρῶς*, quod hic violentia terræmotus Siciliam ab Italia divulgavit: hinc illud Poëtæ lib. 111 *Aeneid*.

Vnde dicitur.

*Hæc loca vi quondam & vasta convulsa ruina  
(Tantum ævi longinqua valet mutare vetustas)  
Disiluisse ferunt, quum protinus utraque tellus  
Vna foret, venit medio vi pontus, & undis  
Hesperium Siculo latus abscedit: arvaq; & urbes  
Littore deductas angusto interluit astu.*

Alii sic vocatum putant, quod regia esset urbs, multis aliis imperans. Res ab Rheginis gestas legere est apud Livium variis locis, præcipue libro xxiv, Diodorum lib. xii, & alios. Potentissima fuit olim urbs, validissimumque contra Siculos, turribus castellisque munitum propugnaculum: multarum mater Coloniarum. Addit Strabo postea ab Dionysio Rege solo æquatam, & ab Dionysio juniore filio partem ejus restauratam, *Φοβία*que dictam. Cladem postea ingentem ab D. Iubellio, Campani exercitus ductore, accepit. Terræmotibus concussam paullo ante bellum Marsicum refecit postea C. Julius Cæsar, colonisque plurimis, quos inter socios navales habuerat, instauravit, unde & *Rhegium* cognominatum *Iulium*. Nuper etiam anno cIo Id x LIII magnam huic urbi calamitatem attulit Caradinus Turca, Solimanicæ classis Præfectus; ita ut hodie infrequentior sit & deserta penè. Quin & anno cIo Id xciv ab Turcis incendio est vastata. Archiepiscopatus gaudet hodie dignitate. Orti hinc leguntur præter alios, *Androdanus*, qui Chalcedonensibus in Thracia leges scripsit: & *Pythagoras* statuarius. Divertit hic Apostolus Paulus ex Iudæa Romam petens, ut Lucas in Actis Apostolorum tradit.

Vlterius inter Alicem, quo *Magna Græcia* à Brutis terminatur, & Herculis promontorium *Brancaleonium* (*Branca Leone*) est oppidum: à quo tribus milliariibus læva introrsum in mediterraneis nobilissimum abest *D. Maria Tridentina* (*Maria di Terdetti*) cœnobium, Sodalium *D. Basilii*, ab templo denominatum, quod hic fuit, Neptuni, cui maris imperium & tridentem veteres tribuebant. In ora *Bursanum Caput* (*Capo di Bursano*) sequitur, *Zephyrium* olim. Post *Zephyrium* locus antiquæ urbis *Locrorum*. Conditam alii volunt ab Græcis ex sinu *Cressæo* profectis, *Euanthe Duce*, ejusque comites *Narytios*. Populi *Locrenses* *Ἐπὶ τῷ βέρει* cognominabantur, à promontorio, cui erant adfiti. Res ab iis gestas commemorant ex Trogo Iustinus libro xx, Livius libro xxvii, & xxix, aliisque locis. *Locri* omnium primi scriptis legibus usi existimantur, diuque Remp. optimis fundatam in Italia.

Locri à quibus conditi.

stitutis habuisse. Gymnasium in hac urbe literatorum fuisse patet ex Platone. *Locrorum* nomen multi raræ virtutis homines illustrarunt: inter alios *Agesidamus*, nobilis Olympionices, in quem Pindarus hymnum cecinit: *Eubymus*, à quo lapidem ingenti magnitudine, qui *Locris* ostendebatur, gestatum Plinius, *Paulanias* & *Ælianus* scripserunt. *Locris* augustissimum templum erat *Proserpinæ*, cujus honorifica mentio apud Livium. Nunc in eum locum translata urbs creditur, ubi hodie conspicitur oppidum *Gierazzo*. Supra *Locros* in mediterraneis oppidum nobile fuit *Mamertium*, unde *Mamertinis*, genti ferocissimæ, quæ fraude *Zanclen* Siciliæ urbem, hodie *Messanam*, occupavit, originem esse, tradunt *Sicularum* rerum scriptores. Vicina huic sunt, oppidum *Rocella*; juxtaque *Castellum Vetus*, & mox introrsum *Stillum*. His locis passim auri, argenti, ferri fodinæ. Inde juxta *Sagram* fluvium, *Sagrianum*. Post *Sagram* mons *Aulon* est; cujus in vertice olim *Caulonia* fuit. Oppidi solum vestigia extitisse innuunt Plinius: & desertum fuisse suis temporibus notat Strabo. Dein in agro *Locrorum* mediterraneo, dextra, ferme ad octavum lapidem est *Hieracium*, titulo *Marchionatus* nobile; dictum, ut nonnullis videtur, ab viso accipitris augurio, dum conderetur: *Gierazzo* vulgo. Postea non procul ab littore, castella quædam sunt, vernacule dicta, *Torre*, *Brutiana*, *Motta Brutiana*, *Bianco*, *Crepacuore*, *Panduro*, *Caveno*, *Motta Bubalina*, *Condojanne*.

In ora *Caput Scilli*, *Capo di Scillo*, succedit, quod *Carcinum* olim promontorium; post hoc autem *Scyllacæum*, in hoc vetus urbs fuit *Scyllacium*, *Squillaci* hodie. hinc *Scyllacæus Sinus* scriptoribus nominatus, non ab *Scylla*, ut *Servius* putat; *Scylla* enim procul hinc ad fretum est *Siculum*. Intus dein in agro *Scyllacæo* milliariibus ab mari octo *Belicastrum* est civitas. Fuit hic olim *Petelia*. Auctor est Strabo, *Crimisam* hoc situ condidisse *Philocteten*; putatur hodie *Gabrieli Barrio Cirra* sive *Cire*. Fuit & procul inde *Chonis*, oppidum ab eodem *Philoctete* conditum. mox se offerunt: *Simaris*, ubi *Sybarim* antiquam fuisse *Marturanus* autumat: *Castella*: quod Plinium *Castrum Hannibalis* dicere, persuasum habet *Leander*: *Insula*: *Caput Columnarum*, olim *Lacinium promontorium*.

Ab *Lacinio* promontorio c l stadiis, itinere secundum *Tarentini* sinus oram *Croton* fuit, *Croton* vulgo. Triplex *Stephano* *κρότων*: una *ἡ παλαιοῦς* prope *ῥήσων*: altera *ἡ ὑπερνεύς* *μυρτοπόδης*: Tertia *ἡ μεδία*: Si in hanc etiam digitum intendat: putarim tertiæ signatione intelligendam. Nomen derivat *Rastanus* ab *κρότων*, quæ vox Græcis *plausus* & *succussio*: olim enim *Crotoniatis* plaudendi saltandique studium magno in usu fuit. *Antiochus* apud Strab. ab *Miscello* Achivorum Duce conditam scribit. Docet idem cum *Ovidio* lib. xv *Metamorphos.* *Dionysius Halicarnas.* libro 11.

T t t t

qui

Templum Proserpinæ

Mamertinæ

Oppida vicina.

Hieracium

Castella.

Caput Scilli

Scyllaci.

Belicastrum olim Petelia.

Læva vicina.

Vnde dicitur.